



Теңізшевройл Деректер мен дәйектер

2019 жылдың үшінші тоқсаны бойынша мәлімет

Тарих/Қатысушылар:

- Әлемдегі ең терең және ірі мұнай кеніштерінің бірі болып саналатын Теңіз мұнай кеніші 1979 жылы ашылды.
- «Теңізшевройл» жауапкершілігі шектеулі серіктестігі (әрі қарай - ТШО) 1993 жылы 6 сәуірде Қазақстан Республикасы мен «Шеврон» компаниясы арасында жасалған келісім негізінде құрылды.
- Қазіргі таңда ТШО серіктестері мен олардың үлесі келесідей: «Шеврон» - 50%, «КазМунайГаз» ҰҚ» АҚ - 20%, «ЭксонМобил Казахстан Венчурс Инк.» - 25% және «ЛукАрко» - 5%.

Өнім өндіру/Қорлар:

- Жалпы барланған қоры жөнінен Теңіз кенішінде 3,2 миллиард тонна (25,5 млрд баррель), ал Королев кен алаңында 200 миллион тонна (1,6 млрд баррель) шамасында мұнай бар деп есептелінеді.
- Теңіз және Королев кеніштерінен алынатын мұнай қоры 890 миллионнан 1,37 миллиард тоннаға дейінгі мөлшерді (7,1 – 10,9 млрд баррель) құрайды.
- Теңіз коллекторының ені 20 шақырым (12 миль), ұзындығы 21 шақырым (13 миль).
- ТШО 2008 жылы Шикі газ айдау және Екінші буын зауыты (ШГА/ЕБЗ) жобасын аяқтап, нәтижесінде мұнай өндірудің тәуліктік көлемі шамамен 75 000 тоннаға немесе 600 000 баррельге, ал, табиғи газ 22 миллион текше метрге немесе 750 миллион текше футқа жетті.
- 2019 жылдың алғашқы үш тоқсанында мұнай өндіру көлемі 21,97 миллион тоннаны (175,3 млн баррель) құрады

Денсаулық сақтау, өнеркәсіп қауіпсіздігі және қоршаған ортаны қорғау:

- 2000 жылдан бері ТШО табиғат қорғау шараларын іске асыруға 3,1 миллиард АҚШ доллар қаржы салған.
- 2000 жылдан бері өндірілген мұнайдың бір тоннасына шаққандағы атмосфераға жіберілген шығарындылардың көлемі 74%-ға азайды.
- 2019 жылдың үшінші жартысы бойынша ТШО өндірілген газдың 98%-ын кәдеге жаратты.
- 2019 жылдың алғашқы үш тоқсанында ТШО-да суды қайта пайдалану көрсеткіші 30%-ды құрады. ТШО тұрмыстық ағын суларды кәдеге жарату, өндірістік мақсатта тазарту және қайта пайдалану арқылы суды үнемдеу бойынша іс-шараларды жүргізуді жалғастыруда.
- ТШО қалдықтардың 25-тен аса түрін қайта өңдеуге жібереді. 2019 жылдың үшінші тоқсаны бойынша ТШО-ның қалдықтарды қайта өңдеудің жалпы көрсеткіші 68,42%-ды құрады.

Өнімді сату:

- 2019 жылдың алғашқы үш тоқсанында ТШО сұйытылған газ сату көлемін шамамен 984 мың тоннадан асырып, құрғақ газ сату көлемін 5,8 миллиард текше метр, ал күкірт сату көлемін 1,92 миллион тоннадан асырды.

Қазақстан Республикасы үшін артықшылықтар:

- 1993 жылдан бастап, 2019 жылдың үшінші тоқсанының соңына дейін ТШО-ның Қазақстан Республикасына тікелей қаржы төлемдері 143 миллиард АҚШ долларынан астам соманы құрады. Бұған ТШО-ның жергілікті қызметкерлеріне төленген еңбекақы, қазақстандық тауар өндірушілер мен жабдықтаушылардың өнімдері мен қызметтерін сатып алуға жұмсалған қаржы, мемлекеттік кәсіпорындарға аударылатын тарифтер мен төлемдер, қазақстандық серіктеске бөлінген тиісті дивидендтер, сонымен қатар мемлекеттік бюджетке аударылған салық және роялти түріндегі төлемдер кіреді.
- 2019 жылдың үшінші тоқсаны бойынша ТШО-ның Қазақстанға төлеген тікелей қаржы көлемі 7,7 млрд АҚШ долларынан асты.
- 2019 жылдың қаңтар – қыркүйек айларында ТШО қазақстандық тауарлар мен қызметтерді пайдалануға 3,4 миллиард АҚШ доллары шамасында қаржы жұмсады, оның 2,4 миллиард АҚШ долларынан астамы КҚЖ-ҰЕҚБЖ аясында жұмсалды.



Теңізшевройл Деректер мен дәйектер

2019 жылдың үшінші тоқсаны бойынша мәлімет

- 1993 жылдан бері ТШО қазақстандық компаниялардың 31,7 миллиард АҚШ долларын құрайтын тауарлары мен қызметтерін пайдаланды.

Қызметкерлерді шыңдау:

- Негізгі өндіріс пен ККЖ-ҰЕҚБЖ жұмыс істейтін қазақстандық қызметкерлердің үлесі 81% құрайды. ККЖ-ҰЕҚБЖ жұмысшыларын есепке алмағанда, ТШО-да қызметкерлердің 88,8% қазақстандықтар құрайды. 1993 жылы бұл көрсеткіш 50% құраған.
- ТШО-дағы жергілікті ұлттық басшылардың, жоғары және орта буын жетекшілерінің үлесі жалпы басшылық құрамның 73,1% құрайды. Кадрларды оқыту және шыңдау жөніндегі тұрақты бағдарламаны жүзеге асыру нәтижесінде жауапты басшылық лауазымдарға тағайындалған жергілікті қызметкерлер қатары көбейе түсуде.

Әлеуметтік салаға үлес:

- 1993 жылдан бастап ТШО өз қызметкерлері мен жергілікті тұрғындардың игілігі үшін Атырау облысының әртүрлі әлеуметтік жобаларына 1,8 миллиард АҚШ долларынан астам қаржы жұмсады.
- 2019 жылдың «Игілік» ерікті әлеуметтік инфрақұрылым бағдарламасы бюджеті 25 миллион АҚШ долларын құрады. Аталмыш қаржының негізгі үлесі Атырау облысында балабақшалар, мектептер және басқа да әлеуметтік нысандардың құрылысына жұмсалады.
- 2019 жылы Атырау облысының денсаулық сақтау, білім беру салаларына қолдау көрсету және әлеуметтік кәсіпкерлікті дамыту мақсатында ТШО-ның әлеуметтік инвестициялар бағдарламасына 1 миллион АҚШ долларынан астам қаржы бөлінді.

Келешек кеңею жобасы – Ұңғы ернеуіндегі қысымды басқару жобасы

Жалпы мағлұмат

- 2016 жылы ТШО Серіктестері Теңіз кен орнының өндірістік қуаттылығын арттырудың келесі кезеңі болып табылатын Келешек кеңею жобасы мен Ұңғы ернеуіндегі қысымды басқару жобасын (ККЖ-ҰЕҚБЖ) қаржыландыруға қатысты қорытында шешімнің қабылданғаны туралы хабарлады.
- ТШО-ның сәтті жүзеге асқан ШГА/ЕБЗ жобасына негізделген ККЖ мұнай өндіру көлемін жылына шамамен 12 миллион тоннаға немесе тәулігіне 260 мың баррельге арттырмақ. Мұнай өндірудің жалпы көлемі жылына шамамен 39 миллион тоннаны немесе тәулігіне 850 мың баррельді құрайды.
- ҰЕҚБЖ кеніштегі ұңғы ернеуіндегі қысымды төмендетіп, өнім зауытқа жеткен кезде қолданыстағы алты технологиялық желінің кіреберісіндегі қысымды көтеру арқылы Теңіз кен орнындағы қолданыстағы зауыттарды толық қуатта ұстап тұратын болады.

Қазақстандық қамту

- Ел аумағында ККЖ-ҰЕҚБЖ аясында 48 000-нан астам қазақстандық азамат еңбек етеді, бұл Қазақстандағы жоба қызметкерлері жалпы санының 91 пайызын құрайды.
- ТШО қазақстандық компанияларды ККЖ-ҰЕҚБЖ аясындағы жобалау, сатып алу, модуль жасау жұмыстарына жұмылдырды және 2 200-ден астам қазақстандық компанияны алдын ала іріктеуден және 1 200-ден астам компанияны алдын ала квалификациялық бағалаудан өткізді. Жоба басынан бері ККЖ-ҰЕҚБЖ аясында ҚҚ-ға жұмсалған қаржының жалпы көлемі 7,7 миллиард АҚШ долларын құрады.

Әлем бойынша жоба жұмыстарының барысы

- Жобаның жалпы кестесінің орындалысы 70%-дан асты.
- Жобалау жұмыстарының ілгерілеу көрсеткіші 93%-дан асты.
- ККЖ-ҰЕҚБЖ жабдықтарының негізгі бөлігі Қазақстанда, Оңтүстік Кореяда және Италияда жасалуда. Жабдықтар модульдерге алдын ала орнатылғаннан кейін, олар Теңіз кен орнына түпкілікті жиналып, монтаждалуы үшін тасымалданады.
- Қыркүйек айының соңында ЕРСАЙ-дағы өндірістік алаңынан барлығы 74 құрастырмалы модульдік эстакадасы (ҚМЭ) жөнелтілді.



Теңізшевройл Деректер мен дәйектер

2019 жылдың үшінші тоқсаны бойынша мәлімет

- 5 газ турбиналы генератордың барлығы Италияның Авенца қаласындағы өндірістік алаңынан сәтті жөнелтілді. Бөлек тасымалданатын жабдықтар мен бөлшектердің Авенцадан жөнелтілуі әлі де жалғасуда.
- Оңтүстік Кореяда құрастырмалы модульдік блоктардың жасалуы жалғасуда. 2019 жылдың қыркүйегінің соңына дейін Оңтүстік Кореядан барлығы 48 модуль жөнелтілді.

Теңіз кен орнындағы жоба жұмыстарының барысы

- Теңіздегі жалпы мақсаттағы қызметтер тобы барлық аса маңызды қызметтерді көрсетуді жалғастыруда. ҮБЗ мен ШГАҮБ-нің 25 кВ қосалқы станциялары іргетас тіректеріне орнатылды.
- Біріктірілген өндірісті басқару орталығының (БӨБО) құрылысы жалғасуда.
- Басқару және электрмен қамту жүйелері: Базалық қосалқы станциясына 110 кВ кернеуі берілді, 30 қыркүйек күні іске қосу-реттеу және жабдықтарға кернеуді беру жұмыстары жалғасты. Қыркүйектің екінші жартысында ККОИ-ның Маңғыстау облысындағы өндірістік алаңынан алғашқы екі бақылау-өлшеу аспаптарын қашықтан басқару блогы жөнелтілді.
- Мұнай жинау жүйесі тобы жоғары қысымды мұнай жинау жүйесінің бірінші кезегін іске қосуға дайындық жұмыстарын жалғастыруда.
- ҮБЗ-де механикалық/электр жабдықтарын және БӨАЖА монтаждау жұмыстары және ҚМЭ мен ҚМБ-лардың орнатылуы жалғасуда.
- 45-аймақта қосалқы станцияны орнату және 1-желі алауотын тұрғызу аяқталды. ҚМЭ-ларды орнату бойынша жұмыс жалғасуда.